

摘藻堂四庫全書薈要

集部

欽定四庫全書會要

集部

御製詩初集卷二

二

詳校官原任編修臣徐立綱



欽定四庫全書薈要卷一萬三千二百七十四

集部

御製詩初集卷一

古今體六十一首

丙辰丁巳戊午

讀貞觀政要

懿德嘉言在簡編  
憂勤想見廿三年  
燭情已自同懸鏡  
從諫端知勝轉圜  
房杜有容能讓直  
魏王無事不繩愆  
高山景仰心何限  
字字香生翰墨筵

題王謬豐年農慶圖

金颺蕭蕭楓葉落  
高空爽氣橫寥廓  
如雲多稼漸登場  
歡騰西墅連東郭  
白鷺下水烏犍閒  
池田波靜流潺湲  
秋原稂穗雜黃紫  
乍似春迴萬井間  
剗豚烹魚為翁壽  
新梁炊飯香噴口  
三時拮据豈徒勞  
共喜西成獲大有  
弱婦房中自理機  
砌蛩唧唧催寒閨  
可知衣食民生切  
辛苦終年無已時

獨居

靜几明窓遠絕塵  
花香鳥語總天真  
母殷已溺已飢念

難作無為無事人

昔予讀書之暇間亦旁涉繪事嘗恭製數圖進

聖母用供清玩茲蒙

聖母宣付裝潢仍

命各題以句敢辭不文聊以效九如之頌云爾

埭畔凌冬傲雪株濡毫渲染發清娛松枝翠拂蒼鸞尾  
竹實紅垂火齊珠香散檀心欺蠟淡花懸磬口帶寒敷  
作朋三壽微忱切生意長含看此圖

右題松竹梅畫幅

溥溥珠露未凝霜丹桂黃花應節芳細蕊密攢金粟碎  
疎英低蔭玉墀香喜從月殿分根遠愛飲秋泉益算長  
同是神仙稱上藥駐年無羨九霞觴

右題桂菊畫幅

一枝穠麗占東風生態曼陀落畫中澹暈華脂饒的皪  
細鏤紅玉著玲瓏葉酣宿露凌晨沃香散春晴傍午融  
見說西池培植厚人間富貴詎能同

右題牡丹畫頁

梨花開足晚香含  
白燕飛來春正酣  
棲傍銀雲人不見  
祇聞好語報呢喃

香雪霏霏入眼新  
一雙玉剪舞暄辰  
上林景物非人世  
花鳥春來總絕塵

右題梨花白燕畫頁

梅雨初收候林蘭  
每放花素苞欺雪  
艷粉蕊淨鉛華映  
月姿逾澹臨風香  
更賒多情憐野雀  
棲托一枝斜

右題梔子花畫頁

冷露暗滋秋草著  
花紅紫成堆小  
鳳貪餐竹實合教一  
處同開

絡緯送聲秋至蜻蜒弄影風涼幽卉一叢舒艷都來石  
畔尋香

右題鳳仙石竹畫頁

天際雲呈白玉盤  
花光如雪望漫漫  
冷香離合因風悟  
楊嚴經云香以合  
中知離則原無有  
清影橫斜界地寒  
開處已知春漸逗



折來常記臘初殘月明林下青丘句彷彿今從畫裏看  
右題月下梅花畫頁

覽舊作誌懷

芸帷書史昔流連今日拈毫屬偶然  
賸有憂懷批奏牘那餘逸興賦詩篇  
漏聲滴盡銀壺箭香縷飄殘寶篆烟  
輸與昨年瀟灑甚綠窓愛月正遲眠

八月二十三日恭遇

皇考忌辰感成六韻

憶昔承歡際晨昏不暫離誰知風木恨暗覺歲華移  
顧復懷終古睽違忽已暮

聖容常在望色養永無期涼露如添淚寒雲祇益悲西  
園回首處痛劇去年時

詠禁中紅葉賦得霜葉紅於二月花

寥天爽氣到楓宸恰有霜枝點綴新色借花欄紅乍染  
影依玉砌冷初勻鬱森未許遊蜂集絢爛還教宿鳥馴  
更喜西成逢稔歲萬家雨露沐陽春

丙辰十月十六日恭送

皇考梓宮至

泰陵奉安

隆恩殿告祭還京悲慕如疑呼搶欲絕途次敬成長律  
以誌深痛

過隙光陰歲已週

龍輿朝駕痛難留續承任重何由報

顧復恩深未少酬

雍邸迴看宮闕寂

橋山空對几筵愁

尊親寰宇傾心久夾道蒸黎總淚流

兩行衰柳冪寒烟一路悲風拂綵旃  
易水如添愁脈脈燕山不斷恨綿綿  
未過虞帝巡方載猶少成王享國年  
夢裏瞻依仍似昨問

安常在

寢門邊

楓葉初丹槲葉黃當前觸目助悲傷

鼎湖冉冉寒空靜

蘆殿淒淒夜月涼憶斷白雲還杳渺望窮碧落轉蒼茫  
悲懷長此增沈痛忍別

山陵路阻長

雖是

元宮未閉時可堪無處睹牀帷鬱鬱蔥蔥巒岫千靈護颯沓

松楸萬籟吹

仙馭漸離心未遠歸鞍將去意多遲言旋正值稱觴日

十月三十日是

皇考聖誕辰也

空向

慈容獻壽卮

十月二十五日得雪

同雲四野望漫漫瑞雪霏微失遠巒麥壠乍欣占稔歲  
茅簷還慮怨祁寒飄飄柳岸飛輕絮點綴梅村剪薄紈  
寂是上林饒景色小春時節玉花攢

冬至

南郊

黃鍾應律肇千祥喜見

天心復一陽子夜灰飛旋淑氣

泰壇日麗散晴光明裡盛禮稽三代御世鴻猷愧百王  
祇祝精誠通

帝載眷予寰海樂倉箱

題秋山行旅圖

疎林葉落羊腸繞淒涼旅况燕山道馬蹄踏月人影斜

炊煙未散霜花曉世人名利紛勞勞空教驚起棲枝鳥

賦得山雞舞鏡

七言排律十  
二韻得山字

名禽聞說來荆國舞向菱花意轉嫵寶匣乍開看皎潔  
雕櫳初對訝爛熳娉娉應節疑張錦嫵娜含姿半鞦髻  
小折腰時文綬亂大垂手處絳綃殷光懸桂窟虛堂畔  
綵綃霓裳夕照間顧步多應憐藻耀呼朋好試語間關  
詎同鷗鳥羣驚客却比佳人自惜顏雲翼罷梳還獨立  
星眸迴盼許雙攀一奩水月平分影幾隊鵲鸞共接班



只為空明矜矯翹便教飲啄忘棲山風翻翠帶簷枝亞  
春煖重茵砌蘚斑欲擬當前誇綽約可知箇裏本舒閒  
夏日書懷

宮柳陰濃殿閣深冰憫不受暑來侵南風未解吾民愠  
慙媿蒼生愛戴心

題蘆洲白鷺畫幅

縠紋搖漾水天秋蘆葦蕭蕭颭晚洲妙趣南華誰解得  
祇應鷗鷺一羣遊

恭祝

壽祺皇貴太妃七旬大慶

碧空爽度絳雲飛壽域宏開恰古稀慶衍三朝推淑範  
惠敷六列式清徽露珠凝掌瓊膏溢月鏡澄宵瑞靄霏  
福祉繁增天共遠稱觴歲歲啓彤闈

丁巳八月二十三日

皇考二週諱辰以禾稼盈疇勉從諸王大臣請未得躬

謁

泰陵謹於

雍和宮行禮中懷耿耿孺慕莫伸灑淚述哀敬成一律  
淒淒涼涼露兩沾裳每憶

音容痛斷腸寢殿秋深冠劍肅

鼎湖雲隔路途長未酬

高厚懷終古豈意星霜歷大祥去歲几筵猶在望迴看  
雍邸助悲傷

雨夜詠懷

欹枕城烏喚曙時雨聲漸急漏聲遲廉纖細潤應含麥  
料峭輕涼欲透帷治理每慚先哲訓憂懷未許侍臣知  
更闌點滴難成寐萬戶饑寒靜裏思

方方壺神嶽瓊林圖

嵒嶺嶽麓仙人宅琪樹瓊林參漢碧金堂十二只茅菴  
笑指洪厓肩可拍何年換骨遺方壺偶寫宿遊懸圃跡  
我今掛壁盼烟霞忽忘高奔迅過隙

舟行



小匡廬六首

怪石蒼龍似飛泉玉練如天然隔塵境竄數小匡廬  
衆木頗翳鬱青松迴出羣時有微風至蕭蕭天籟聞  
掛為瀑布寒散作菱花皎誰點星星黑雲中一飛鳥  
池亭架波上俯視流泉泚何用披南華即此當秋水  
仰有陰可乘俯有魚可釣中有靜觀人悠然發長嘯  
暑雨思民怨薰風想舜琴乘閒此小憩撫景媿吾心

馬文璧秋林釣艇圖

霜落澄湖魚不餌釣車偶弄滄浪意丹楓綠嶼靜高秋  
獨坐閤閤無一事

無數溪山幽復深科頭把釣喬柯陰底事白鷗不飛去  
之子原無羨魚心

甘霖普降特召大學士內廷翰林圓明園泛舟遊  
覽即事成詩同諸臣面賦以誌一時勝賞時乾  
隆三年六月六日也

偶因幾暇事遊觀特許儒臣禮數寬霽見山容凝翠黛

風披水面縐冰紉泛舟共曷濟川訓即境還思力穡難  
前日甘霖敷澤遍新詩分賦誌同歡

題趙伯駒蓮舟新月卷

泛月四時宜九夏為尤善荷塘窈而幽淥水清且淺不  
必擷芳華虛明供靜造灑然玉壺冰色香俱難辨

六月七日率王貝勒等泛舟即景

勝地尋幽賞天倫樂事并舟迴芳甸轉雲淡遠山橫新  
霽田疇潤微風景物清水禽飛上下總是樂生生



馬文璧山水用韓奕題畫元韻

吟餘繩榻拋詩卷，獨展煙雲對穹巘。  
波上危亭俯碧澗，吳淞半江不須剪。  
輞水渾疑華子岡，畫耶真耶兩欲忘。  
胡為千里江山景，收入咫尺青絲囊。  
蕭齋倚咏興不少，灑然心共秋雲表。  
憶在中盤精舍中小窓，開處堯峯曉。  
新秋泛湖

一夜西風催溽暑，滿天爽氣送新涼。  
輸將團扇三分冷，贏得平湖十里光。  
野艷沿堤秋卉簇，殘紅亞水晚荷芳。

輕舟棹入煙波裏愛聽漁歌引興長

題高克恭林巒烟雨圖

溟濛那辨菰蒲嶼林鳥低飛亂烟雨前溪漁父棹舟歸  
不覺蓑衣重幾許

倪元鎮松亭山色即用其韻

蒼松白石皆堪賦點筆秋光罨軒戶我偶得之不忍捨  
彼草亭中曾少住何須更咏石田句

是圖有沈周題跋  
所紀收藏數家頗

寓得失之歎云世間得失空雲霧蕭齋一榻篆烟清窗外羲娥

任晨暮

八月二十三日

皇考三週忌辰感成長句

逝水馳駒歲月遷

音容莫覩竟三年  
劬勞忍誦蓼莪什  
繼序時慚訪落篇  
惻惻沾裳寒露曉  
淒淒對景暮秋天

鼎湖在望

龍髯杳仰首高旻  
淚湧泉

秋夜南苑行宮懷舊偶作

再經南苑動秋情  
別殿宵深景物清  
最愛寒光窗外映  
那無逸興靜中生  
閒階亂草低螢火  
古寺疎鐘叩月明  
奏牘手批更漏永  
轉教重憶舊經橫

題王原祁虞山秋色圖

虞山山色朝夕變  
惟有秋光最可人  
老筆蕭蕭為寫照  
高松落落皆傳神  
儘饒紅葉爭繁艷  
却與白雲結好鄰  
吳下年年秋不改  
麓臺幾度參迷因

戊午季秋祭歷代帝王廟禮成紀述八韻

明禋稽古制殷禮值秋時肅肅旂常列蹒蹒鵷鷺隨爽  
風開寶扇旭日耀靈祠兩序陳鐘鼓千秋煥鼎彝羹墻  
增愼慕典籍信昭垂對越嚴將祀欽承儼若思志曾希  
舜禹心愧作君師代謝固天運孫曾鑑在茲

秋日圓明園即景

紅葉千林似錦張秋容端不讓春光南軒日暖簾初捲  
曲沼波寒魚半藏戰雨晚桐漏踈影冒霜早菊先重陽

平添詩客三分興  
熟境應忘若箇忘

冬至齋居偶閱舊稿誌懷

靜聽迢迢宮漏長  
齋居暫屏萬幾忙  
那無詩句娛清景  
恰有梅梢送冷香  
案積陳編閒檢點  
志期舊學重商量  
灰飛子夜調元律  
又喜天心復一陽

咏盆中天竺子

葉簇青青子綻紅  
三餘幽伴小齋中  
丰姿艷結珊瑚穗  
節幹清標筠籜叢  
斜拂爐煙雲作帶  
微分階雪玉為籠

肯教鼻觀輕參破月滿寒窗霜滿空

賜大學士嵇曾筠

海疆三載耀台星沙漲金堤瀆協靈此日黃扉資贊化  
昔年絳帳憶談經旌揚浙水行來遠路指燕山望裏青  
料想微疴應早復丹誠平格享遐齡

戲題漁樂圖

網得魚蝦足酒錢醉來蓑笠伴身眠漫言泛宅曾無定  
一曲漁歌傲葛天

冬夜偶作

風簾送竹音月牕散梅影稍喜萬幾暇敲句寒更永棲  
鴉寂不鳴漏滴銀壺靜遙想謀利人夜半喧市井設非  
為衣食肯冒清霜冷飢溺聖人心撫躬常三省

曩吾詩興豪即景抒清思非云誇別裁藉以道己意茲  
偶拂吟牋捉筆聊且置豈嫌推敲苦為恐褻心志吾志  
在何所望道猶慙未曾聞聖賢語躬行實匪易

盆卉吐芳葩氣轉陽和新匝屏風開嶙峋獸炭焚縷



縷篆紋斜一室靄如春却憶閭閻間比戶窶且貧龍堆  
雖罷戰尚有長戍人譬彼嬰兒啼父母寧忍聞念此展  
轉愁丙夜憂思頻

昔愛冬夜長隨意消清福今苦冬日短剪爇批奏牘稍  
暇兀然坐詩興亦局速豈無玩好資足娛耳與目開編  
對聖賢祇覺增慙慙

臘八日雪

一夜同雲布凌晨散玉花最宜逢臘日頓覺助年華麥

壠從添潤梅村欲放葩所欣占歲稔不為藉烹茶

御製詩初集卷一

欽定四庫全書薈要卷一萬三千二百七十五

集部

御製詩初集卷二

古今體七十八首

已未

新正二日召集羣臣於乾清宮賦柏梁體詩朕既  
首倡又成七言一章

泰交堂陛列鴛聯日暖彤墀淑景鮮祇以賡歌鳴喜起  
非誇宴樂沸絲絃觴浮柏葉添吟興筆灑瓊華映綺筵  
更慶元正飄六出又增新瑞紀瑤編

題錢選孤山圖即用其韻

雪溪古筆得天隨  
能畫能傳畫裏詩  
誰道逋翁句難續  
依然疎影暗香詞

二月十三日恭侍

皇太后遊瀛臺紀事

永康曉闢問

安迴鳳輦晨遊重  
侍陪搖曳晴光看  
御柳分明春色遍  
宮梅西山翠映屏  
風列太液冰融鏡  
面開仰識

慈顏多悅豫熙熙萬物樂春臺

題趙伯駒桃源圖

漁父重來舊路迷桃花片片水淅淅詎知洞口維舟楫  
已與人間別町畦桑柘陰蒙雞犬墅雲山春靄鈔鑼谿  
南陽劉子胡為者却向丹臺問玉梯

題唐寅江南農事圖

山村水郭聽吳歌最是江南佳勝多不必樓臺烟雨裏  
却看桑柘晚春過秧針插遍青千頃繭簇堆來白幾窠

吟罷七言雙漿盪同予樂處在人和

題關仝蜀山棧道圖

關仝真蹟天下少十人規撫九背馳蜀山棧道之子作  
橫雲劍閣高嶷嶷五丁斧痕留絕壁秋風落葉流水澌  
裝池屢易姓氏去細認手筆無然疑試看氣韻生動處  
猶使人饒蜀道思

暮春圓明園即景雜賦五首

夜來膏雨足曉起倚前楹芳園景已佳百卉爭鮮榮迷

離柳絲重間闕鳥和鳴遠峰螺髻翠新漲鏡面平依依  
陌上花向人如有情維我值幾暇裁詩聊品評品評何  
所樂所樂足春耕

掃黛山排障拖藍漲滿塘樓臺憑點綴花木雜芬芳夾  
鏡浮飛蜨平流泛畫舫風凌松榦古日逗竹陰涼信矣  
神仙境悠然物我忘畫圖曾省識三島水中央

悠然憑眺樂如如萬頃波光接太虛不定烟嵐浮嶺岫  
無心飛躍任鳶魚風吹穀面文章好詩託峯眉氣象舒

試弄扁舟泛寥廓  
遐情還憶渭濱漁

心閒境自幽  
樹老園更古  
况復近西山  
雲氣時吞吐  
結茅為屋宇  
欲識農家苦  
俯仰覺安和  
何必誇瑤圃

石泉繞砌聽鳴琴  
花竹當軒暢遠襟  
不必靜觀方自得  
由來物物見天心

詠松三首

龍鱗百尺鬱蒼葱  
獨立亭亭衆植中  
謾道性剛多傲物  
歲寒梅竹許相同



扶疎新榦手親栽，偃蓋俄成亦壯哉。  
豈是上林培植別，由來造物重良材。

高標迥出重霄秀，本色常留四季青。  
為重堅貞栽砌畔，綠陰如滴滿軒庭。

新霽

庭柯含宿潤，徙倚步芳蹊。  
山淨疑將近，天空望轉低。  
一聲來歎乃，萬頃浸琉璃。  
遙想江村裏，秧苗正插齊。

雉將雛

行行麥隴邊見一雉將雛雛兒纔長成啞啞學母呼

解一

翅軟未解飛嘴嫩未能食飲啄與遊翔皆賴顧復力

解二

兒今依其母母今愛其兒一朝羽翼全那料南北飛

解三

有童持長竿捕雛何遽遽老雉雖善飛繞匝不忍去

解四

雛兒頗有智藏伏荆棘間棘密難採取頑童悵空還

解五

須臾童去遠老雉還來視母子得全活鼓翼心倍喜

解六

爾童一何忍爾雉一何慈孰謂天良心人禽乃倒之

解七

觀物可會心撫古常自鏡今朝忽見此大愧中年令

解八

題趙孟頫水村圖手卷

屈子卜居後潭邊漁父逢滄浪鼓枻去煙水自重重

題盛懋秋林蕭散圖

佳蔭之下鋪芳蘅是何處  
今日逢瀛青鸞白鶴兩不藉  
飄飄句五御風行

初晴晚照

落景掛平林初晴景倍好  
霞連天際山風動枝頭鳥閒  
心遊物外逸興託雲表  
茲焉足自適何必尋蓬島

李唐長夏江寺圖

上方宜結夏溪壑幽且深  
瑟爾籟盈耳蕭然風滿林  
清江澄定體古月照禪心  
欲咏丹青妙雲烟杳莫尋

仇英碧梧翠竹圖

石泉窈以清梧竹復修翠  
誅茅為小楹延得青山致  
幽人兀然坐開卷默而識  
仿佛沂水風吾與點也意

咏瓶中新荷

玻璃瓶子蒜頭粗綽約新荷  
插幾株簾幙風輕香欲送

几筵光淨澹如無  
乍疑仙子垂文履  
不數冰心在玉壺  
愛煞虛明表裏徹  
書窗坐對足清娛

題韓滉豐稔圖真蹟

開元賢相有肖子  
書傳張旭畫僧繇  
老筆蕭蕭寫村牧  
不異丙吉問喘牛  
或降于阿或飲池  
村邨擊壤西成秋  
此景祇宜圖上看  
度支當日煩持籌  
何如貌瘦天下肥  
明良一德誇韓休

己未夏六月恭進

皇太后字扇一柄謹成五律

玉漏林間度遲遲日正長問

安承色笑撫景願清涼冰簟堪驅暑薰風恐拂裳寸忱  
託輕箴長此效黃香

大學士福敏久未入直為賦長句賜之

為憶傳經開絳帳還教贊化入黃扉精神秋水原無滓  
氣象光風却久違武相只今勞杖履文丞應即整裳衣  
喜逢長至晴和候待步金門暖日暉

六月十八日初霽恭侍

皇太后園中遊賞謹成一律

膏雨公田足歡遊禁苑多欣陪

文母御不數漢王歌山向雲中隱舟從畫裏過

慈顏添豫色至樂復如何

即景

一夜西風催溽暑半空爽氣入樓臺陰雲淨掃青天迴  
却訝新秋陡地來

沈周仿倪雲林筆意卷

仄徑曲緣流秋雲濕蒼樹蕭然山水間獨許幽人步  
石泉墜淥淥盡向平湖瀉踞石弄絲竿不為游魚把  
倦立青松下松根亦堪枕對此忘蹄筌誰辨倪與沈  
我是廟堂人每愛山水趣板橋俯碧溪待我支筇度

秋雨

響送秋聲夜雨長朝來添得幾分涼  
簾纖乍潤蔬畦綠  
浙漉頻霏菊蕊黃  
暗鎖遠嵐疑是霧  
寒侵晚圃却非霜



凭闌眺望增吟興一幅顛翁畫渺茫

倪瓚獅子林圖

借問獅子林應在無何有西天與震旦不異反覆手倪  
子具善根宿習摩竭受蒼蒼圖樹石了了離塵垢聲徹  
大千界如是獅子吼

九日

菊蕊舒黃楓葉紅重陽還與去年同却驚時序馳駒隙  
漫惜芳菲逝水東落帽輸他誇俊逸宵衣惟我積憂忡

朝來縱不登高望萬戶饑寒在眼中

題文嘉南村草堂圖

面水澄泓背碧山幾楹蝸舍綠楊環  
箔頭摘繭開簾晒  
町畔看秧杖策還太古林泉惟靜靜  
長年雞犬自閒閒  
應知塵世無堪比只在桃源蓮社間

恭奉

皇太后恭謁

孝陵

景陵敬成長律

扈蹕馳千騎鳴鑾駕六飛紹先思

祖德色養奉

慈闈爽氣催征轡霜花散曉暉有秋歡里巷鼓腹遍郊  
圻松柏森元路雲霞護玉衣聖主承凜凜

冠劍仰依依言念開千古憂勤萃萬幾維清欽  
陟降瞻拜重獻歆

賜直隸總督孫嘉淦

霜落平原秋已深  
鳴騶不為散幽襟  
如京徐黍村村景  
慰我君臣望歲心

登盤山口號

千林葉落見山容  
翠嶂丹崖歷幾重  
漫憶當年曾訂約

今朝果上最高峯

舊作望盤山有寄語山靈頻  
訂約他年擬上最高峯之句

登盤山天成寺江山一覽閣作

兩峯天闢仙壺路  
到眼江山萬派分  
樹匝丹崖空外合  
泉鳴碧澗靜中聞  
緣階擇走秋聲細  
裊鼎香飄瑞靄紛

今日身行圖畫裏六塵幻有等浮雲

南苑大閱謁元靈宮宮是

皇曾祖世祖章皇帝建也敬依

皇祖聖祖仁皇帝韻以誌敬仰之忱時冬至月朔日

閱狩金輿駕鳴騶赤羽翔千官分鷺序萬姓仰龍光雪

積平原白泥鋪御道黃翠華來別苑初地散天香香靄

雲生路蕭森松泛涼星辰圍斗宿丁甲護虹梁屏念瞻

瑤殿虔心禮素王若臨欽在上作極愧惟皇祇以紹庭

切何能與物昌律身懷監史敷化體

穹蒼文德猶慙未武功不敢忘蒐苗遵古制逸豫戒禽  
荒簇簇雲屯盛悠悠霧旆颺一陽初應律三白已呈祥  
漸覺條風扇新添麗日長覲揚吾未逮布治願平康

南苑獲野禽恭進

皇太后

積雪滿郊坰三冬農務停鳴笳齊隊伍布令疾雷霆馬  
足奔如電鷹眸迅似星山禽味鮮潔飛騎進

慈寧

時巡近郊見西成有象喜而賦此

緬懷春之暮彼蒼有早意憂心惄如焚中夜望天賜賑  
恤發太倉綢繆無不備賦彼雲漢詩展轉詎能寐好生  
天之心一雨蘇萬類苗者日以秀秀者日以穗時巡屆  
初冬夙駕催六轡盼茲場圃間頗覺倉箱積千畝幸有  
獲二鬴猶未遂稍足慰吾心尚未愜吾志吾志伊如何  
教養非二事即今比戶間豈盡知孝義披褐者農子前

卷二  
驅莫訶避疾苦當諮詢痼瘵予增愧汝饑誰之由汝寒  
誰所致賙賜出泉府旬宣屬官吏猶恐億兆民未盡需  
實惠際此薄有收聊可酬望歲寄語為政者豐年實為  
瑞

望西山積雪

天然圖畫開屏障瓊樹瑤葩不識名記得河陽生動筆  
直教人在座中行

德壽寺



招提建百年勝境壓諸天樹古龍蛇矯壇高雲霧連珠  
旛飄赤篆寶鼎霽祥烟暫去空林杳猶聞鐘磬傳

大閱

時狩由來武備修特臨南苑肅貔貅龍驤選將頗兼牧  
天駟掄材驥共騶組練光生殘雪映旌旗影動朔雲浮  
承平詎敢忘戎事經國應知有大猷

咏盆中佛手

一指天龍孰與儔却教糟粕至今留爭如滿樹黃金相

移得江陵八月秋

夜

剪燭閒拈咏離宮刻漏長松鳴千古韻月散一窗涼夜  
靜幾常勅時和物小康永言勤治理民瘼敢輕忘

南苑新衙門行宮即事

南苑重來羽騎馳離宮未御已經時新詩消遣閒中興  
舊學商量靜裏知花笑迎人誇得意鳥吟為我話相思  
留連不是耽風景却惜年華暗轉移

捕魚

萬頃滄波綠千鱗錦鬣紅中流鼓枻處樂與衆人同

倪瓚水竹居圖

十笏蝸居却可居灑然水竹適三餘閭浮提裏無塵界  
靜致山中太古初倦倚匡床閒夢蝶獨臨曲沼樂同魚  
還思放筆徜徉際白石清泉盡起予

偶仿唐寅筆意作寒梅小景并題以句

清標宜象外春色在枝南瀟灑將塵遠芬芳與靜諳遐

心聊復寄生意幾多含恍憶書窗曉還憑結習參

題唐寅松溪獨釣即用其韻

松下科頭把釣居任呼漁父任呼魚因之識得魚兒樂  
不在蒙莊一卷書

王蒙坐聽松風圖

偶來松樹林趺坐虬枝下忘筌弄泉石謾謾幽籟瀉主  
人對客言橫琴為我寫客謂主無須聽取真琴者

黃居寀山鷓棘雀圖

棘雀愛卑棲山鷓喜清廓雀在高棘枝鷓步低泉壑圖  
之素絹中短言識其畧常聞古人云君子慎所託

十一月初七日得雪時大雪節也喜而有作

小雪雪霏霏

小雪節亦有雪

大雪霏霏雪今年三白早喜復應

時節朝來盼庭除皚皚堆玉屑上林冬欲半滿樹瓊英  
纈曩余饒逸興玩賞吟清絕值此六出飛豈不中心悅  
所樂在田疇望歲念彌切裁詩為誌慶那更論工拙

紫光閣閱武舉射

掄材臨別苑射策對明廷養士百年久千城九塞寧  
珣弓懸滿月羽箭迅流星為問赴桓輩能通黃石經

孔雀

異物非為貴懷柔亦有方暫辭蠻嶺月不耐帝京霜

孔雀性惡

寒暄日先張錦迎風自炫粧雕籠供飲啄何必憶山梁

詣

慈寧宮問

皇太后安

親詣

慈寧問

起居矐矐曙色曉光舒承歡祇領

徽音訓歸路思維樂有餘

冬至有事於

南郊敬成八章章八句

於昭

天鑒眷於有德佑我

太祖東土是式

帝命不顯皇清不靈明德惟馨以畀萬邦

一章

赫赫

太祖

天篤其祐穆穆

太宗丕顯丕承駿德光昭爰受鴻名建國紀元肇定大

清

二章

暨我



世祖混一區夏

聖祖紹之容民厚下民安於耕物適於野六十一年惟

天降嘏

三章

皇考翼翼思為君難立綱陳紀祇承克艱授位渺躬受

命自

天敬念紹庭敢忘寅虔

四章

日惟長至爰卜

南郊三齋五戒將事吉朝式瞻百辟玉佩金貂式虔爾

心無或逍遙

五章

爰升燔柴燔柴維烈爰陳俎豆俎豆維潔惟予小子敬

捧蒼璧明明

帝神尚其來格

六章

神之格思降福穰穰敢曰予小子誠通

昊蒼自我

祖宗受嘏惟純

景命綿綿逮我後人

七章

伐鼓淵淵建旆翩翩祀事用成福祿來駢匪以祭而專  
匪以燕而遷對越

昊天豈敢間兮乾乾

八章

冬至

慈寧宮行禮

和風習習滿簾櫳

慈壽無疆祝華嵩不獨宮闈增喜氣  
光天孝養萬方同  
拜舞瑤階日影移南山為壽獻新詩

宮中堯舜垂裳處正是初陽乍復時

恭上

皇太后聖壽詩

初長晴旭照丹墀  
靄靄祥光散綵旗  
最是瑤階稱祝日  
常逢玉琯復陽時  
和風淡蕩頻傳喜  
好鳥間闌解獻詩  
敬捧霞觴介眉壽  
千秋萬載沐

恩慈

王蒙秋山蕭寺

秋山作四鄰蕭寺枕嶙峋愛此無中色留將幻裏真蒼  
松原不老碧水自離塵驢背獨歸客何如蓮社人

古琴

古桐三尺剡以絲黃金丁星間作暉聲絲音暉主輔毗  
龍齟鳳額相差池漆古斷作鱗之而春風駘蕩花融怡  
秋霄明瑟月皎兮壺嶠出海高巍巍流泉若咽若奔馳  
縱金戛玉明堂儀空山無人胎仙飛風車雨馬雲霞衣  
蟬哀雁肅幽蘭猗天地事物神人祇萬狀惚恍皆可為

情忻情戚俄而移惟君妙指所命之此一大士號聞思  
清淨不涉離與微

李成茂林遠岫圖

淡泊蒼山蔚古枝惟應造物與為師何人著論名無李  
是處營丘放筆時

趙昌寫生蛺蝶

青蟲出菜甲旋復化為蝶蝶已不復蟲生滅迅交睫翾  
栩飄秋煙迷離貼露葉煉得長生術金丹了無涉

題余省秋芳圖

女夷應是惜韶華，點綴繁英分外嘉。  
數種寒芳凝玉露，幾枝濃艷注丹霞。  
興添敲句抽思麗，清伴焚香裊篆斜。  
見說家丞重秋實，祇今秋實讓秋花。

唐寅款鶴圖

臨臯道士堪為友，羽帔蹁跹揖客言。  
愛爾扁舟聊共泛，相看漫擬衛公軒。

唐寅釣魚圖即用其韻

蒼山白水盡如如飄泊輕舟也儘渠獨把絲竿澄宇濶  
何須評論是非魚

夜靜觀書

深宮夜靜漏聲長芸籍閒披御案香為念民依難洞悉  
頻觀書史鑒興亡

養心殿古榦梅

為報陽和到九重一枝紅綻暗香濃亞盆漫憶辭東嶠  
作友何須倩老松鼻觀參來諳斷續心機忘處對春容



林椿妙筆林逋句却喜今朝次第逢



御製詩初集卷二



總校官庶吉士臣侍朝

校對官庶吉士臣陳文樞

謄錄監生臣宋諧

欽定四庫全書叢要

集部

御製詩初集卷三

四



詳校官原任編修臣徐立綱

欽定四庫全書薈要卷一萬三千二百七十六

集部

御製詩初集卷三

古今體九十一首

庚申一

題文徵明蘭亭圖

修禊依然晉永和書成只待蕙山婆何須感慨論脩短  
試看衡山駐日戈

夏珪秋江風雨圖

雨絲風片遠連天一棹漁舟萬頃烟無事買魚沽酒客

却饒書畫米家船

題畫

庭樹侵簷綠蔭深披薰不藉五絃琴  
黃庭一卷柴扉掩未許遊人杖策尋

題畫八首

微風細雨暮春時  
翠地青青蘸柳絲  
新水載舟還力弱  
柴門絕客欲開遲  
尋山恰稱閒遊屐  
披卷何須鎮下帷  
最愛子西得意句  
蕭齋獨對有餘思

選勝新開蓮社場良朋策杖已相將縱橫細檢空王語  
馥郁頻燒心字香幽夢乍醒知蝶化塵緣欲淨驗龜藏  
陶公何用肩輿返也是人間一酒狂

樹侵檐角草侵階散步新青印鞞鞋隔浦畫圖排蟹舍  
遠山蒼翠潤琴齋愛耽靜息中書趣為識清標從事佳  
王謝家風今尚在髙談揮麈傲無懷

溪亭消夏俯清漣波面風來簟縠鮮新笋成林纔箇箇  
嫩荷出水故田田嵇含花木閒批點蒙叟逍遙減撲緣

喚起羲之笑多事蒲葵隨有不須錢

參漢虬鱗翠十尋團團如蓋散清陰暫拋居士齊眉杖  
靜撫中郎焦尾琴指上泉流疑澗底林端濤泛似秋深  
怡情自具成連調一幅希夷物外心

梅是山妻鶴是男逋翁妙偈阿誰叅靈臺明處丹成九  
耳觀清時笛弄三八字疏眉連玉笋小團雙鳳貯都籃  
旋收筆硯排書卷怕作文章博大慙

弄棹滄浪破碧流藥鑪茗椀伴浮遊神仙瀟灑惟同李



天地沈酣不異劉有興只須來泛雪忘機那復慮驚鷗  
溪亭為問招呼者妙處逍遙也羨不

層樓蕭寂隔塵喧一卷黃庭獨閉門習靜從知泰宇定  
養生饒得谷神存架頭古史翻魚魯甕裏新醅泛罇  
底事漁人輕鼓柁桃花深處是仙源

夜雨

春暮如膏雨知時助發生冥濛迷晚色淅瀝入深更澤  
潤良農樂寒添薄絮輕試思明曉趣叱犢一聲聲

雨中看紅梨

只道宜晴雨亦宜偏親詩客露丰姿暫遊洛浦將飛際  
小浴溫泉未起時濃抹幾番因洗淨淡粧無力倩誰持  
天公應惜胭脂褪故把珠簾四面垂

夏景竹泉春雨圖

淙淙復浙浙竹泉邈寥寂春雲暗遠天飛珠石厓滴颯  
沓動微籟琅玕韻相擊不惟眼界清亦令心源滌

米黻岷山真蹟

尺幅衡牋畫蜀山雲嵐層疊許誰攀密園古樹四時翠  
獨閉柴扉鎮日閒苔色侵眸紛綠縹溪聲入耳隱潺湲  
渾如雨霽輕烟斂矗矗稜峯濯曉鬟

四月九日為怡親王誕辰作此賜之

朱邸恩暉永銀潢瑞靄浮舊勲存柱石遺緒屬弓裘詩  
禮崇芳範公誠勵遠猷喜逢添算日花滿鳳麟洲

元唐棣疎林策蹇圖

石泉咽危灘輕烟散林表新豐酒難沽寂寂空山曉風

吹墊角巾斜月猶皎晶颯然風月懷豈慕長安道試問  
灞橋人新詩得多少

四月望後雨澤未足朕憂心如焚臣工頗有以春  
雨既足尚可無憂者然而無以釋朕懷也越五  
月丙寅雨澤既霑命駕進宮見路旁如雲而有  
秋者麥田也如油而茂夏者晚稼也乃快然以  
喜則知朕前此之憂不徒憂矣既以成詩爰命  
臣工和之

望漢瞻雲子夜中

恩膏忽沛仰鴻濛  
恰欣渥澤能蘇槁  
肯信浮詞為省躬  
輦度麥圻黃幕幕  
盼迴黍壠綠芄芃  
薰風稍解吾民愠  
後樂先憂此意同

題元王蒙臨平秋早真蹟

楓丹松翠自天成  
不繫人間枯與榮  
無住相中常住相  
何勞六一賦秋聲

崔子忠蘇軾留帶圖

印公四大偈東坡不能答留帶無語去芥子須彌納當時勝負機將謂饒老衲玉帶生莞笑既拄而復磕

夏日奉

皇太后幸靜明園

雨後園林景物閒六龍時幸奉

慈顏花迎步輦饒生意峯入窓櫺濯宿鬟隔院疎鐘偏得得會心好鳥亦闐闐親承

色笑忘煩暑多少歡欣柳外還

賞遇樓

高樓構峯頂瀟灑似蕭齋林壑供吟興山原入望佳霞  
光紅到座樹杪綠侵階錯繡看畦畛悠然暢我懷

登靜明園古華嚴寺

雨餘曉岫矗新青幾暇時臨翠輦停為謁空王瞻月相  
却教飛蓋傍雲扃風鈴常轉蓮花藏貝葉閒披金字經  
試問奏章陳積否隔林行漏已泠泠

河南巡撫雅爾圖奏進穀穗盈尺時六月二十日

也蓋雨暘應時則穀熟之早有如此者既以示  
臣工爰作詩以誌慶

民天伊古重宵旰為祈年豫省灾傷後

去年河  
南被水

西成企

望虔喜看盈尺穗儼歷有秋田稍解吾民愠披薰一暢  
然

題玉泉山呂祖洞

一片白雲掩石扉推雲古篆辨依微空中孤鶴數聲唳  
應是岳陽三醉歸



采蓮曲

霞作衣裳露作珠  
仙娥結束與人殊  
一葉扁舟泛明月  
纔離若水又方壺

六月春光太液池  
靚粧無那日長時  
紅衣綠繖渾難辨  
只有香風陣陣吹

暑雨

連朝暑雨亂如麻  
坐對珠簾面面遮  
依約遠山猶入戶  
怨咨此日定誰家  
蟬笙稍喜初停弄  
蛙鼓生憎晚報衙

卷三  
贏得幾閒聊靜憩  
龍團新擘緩烹茶

雨後剪園中新蔬敬獻

皇太后謹成一律

夏畦雨足綠菲菲  
萼茁如酥韭葉肥  
為驗農桑臨別苑  
藉方菽水奉

慈闈盤盛烟甲先  
秋冷手剪香芽滴  
露稀生意靜觀欣  
自得還思發育遍  
郊畿

題唐岱山水幅

天際新螺翠欲浮坐來九夏似深秋巖腰古寺開青障  
渡口欹橋鎖碧流清籟吟空金氣肅寒鴉歸樹暮烟收  
丹青妙處誇生動每對溪山一為留

泛月行

海雲湧出赤金鏡天風吹徹玻璃淨綠溪為棹木蘭舟  
中流迭奏雲和令綠深蘆荻紅夫渠飛則鳶兮躍則魚  
兩間物物皆自適吾亦因之樂有餘傍岸流光點螢火  
不須燭列金蓮朶錦纜牙檣任所之由來無可無不可

茉莉花

雨後花房各自開，因風時送異香來。  
却嫌紅紫三分麗，幻出冰霜一段才。  
清味醉餘眠蛺蝶，殘芳貼處潤莓苔。  
林逋當日如相識，應作園中六月梅。

閩中鮮佛手貢到恭進

皇太后

色妬羅綿味轉清，年年包貢值三庚。  
封題更進瑤池上，佛手堪供

佛手擎

題松花石屏漁樂圖

漁兒舟作家釣罷舟不繫橫笛臨風吹悠然葛天世

螢

載月泛扁舟飛螢點點流飄光羣入夜報節獨先秋貼  
葦明還滅因風動欲浮不須添蠟燭夾岸散燈毬

閏六月十二日夜聞蛩

解衣欲就寢皎月當窓入何來蟋蟀吟枕畔數聲急想

為報秋信

是月十五日立秋

先期鳴唧唧咽露已含涼振羽猶

無力聽久不成眠旋起披衣立徘徊倚軒楹往事堪追  
憶憶我少年時感秋多歎息亦知終何裨興逼不能默  
程子乃達者見獵有喜色我豈如彼賢好吟實舊習

秋信

白帝傳金令霓旌已啓途祝融收後隊素籟是前驅氣  
爽寒疑近天空遠若無何須愁代謝徙倚弄脩梧

月夜泛舟

泛月開輕舫微風送棹歌一輪懸玉鏡千疊湧金波魚  
躍蘋花動螢流燭影過猶聞簫鼓急別殿按雲和

侍郎梁詩正舊日講學臣也以父年屆七旬乞與  
二品封誥特允所請并賜以詩

舊日文章彥熙朝卿貳班重邀花誥寵不異綵衣斑堂  
有槐三本門如水一灣更思躋壽世希瑞遍塵寰

題李白春夜宴桃李園圖

飛觴醉月共遊盤銀燭燒闌興未闌漫惜光陰如過客

于今已作畫圖看

荔枝效竹枝詞

武夷溪畔艷仙粧  
晚日暉暉射絳囊  
因風飛過仙霞嶺  
惹得人間齒頰香

六月炎方候已秋  
枝頭的鰓火星流  
一從上苑傳清味  
不數尋常安石榴

倚欄暑退欲秋時  
手摘清香帶露枝  
何用沈瓜並浮李  
星星一顆沁詩脾



閏六月望日立秋

遙天今日火星流最好平分夏與秋  
紈扇已輸一半冷  
宵砧欲動十分愁  
團團玉鏡懸雲漢  
疊疊金波印斗牛  
欹枕蛩聲吟不了  
那知蝴蝶是莊周

題吳鎮清溪垂釣圖

一江春水如油綠  
滿目春山看不足  
春水春山共我三  
南華二篇不須讀  
渟淵清泚猶堪掬  
聊把絲竿寄幽躅  
扁舟不繫任去來  
誰與為羣鷗鷺  
鷺頗知水清本無魚

金  
亦令人識求緣木

秋日聞黃鸝戲作

春光惜去生催去秋信憎來強喚來  
好惡恁殊誰聽爾何須得得語高槐

題何浩萬壑松濤卷

長松能作風風作濤聲瀉萬竅禁不鳴  
曲高和者寡靜籟已入聽濕翠復堪把  
壁間掛古琴成連不能寫

華嚴洞勒壁

別院駐鑾輿瞻禮招提境清曉趁風涼捫蘿登絕頂嵌  
石老松蒼滴乳寒湫淨初上若無路漸入多佳景豁然  
雲木開古寺橫山嶺石龕月相間簷鐸風聲靜朱欄俯  
帝畿烟火富閭井旋憩華嚴洞颯然衣袂冷深窺潛竇  
黑微聽幽泉洄何須一指叅自覺萬慮屏

題文伯仁松岡竹塢圖即用其韻

椿槿休論大小年林泉佳處每陶然看予杖策石橋度  
笑煞瞿曇論四緣

飼魚

臨流坐石磯忘機魚不避投餌試飼之引類紛然至却  
知非釣竿在藻心無忌清漣漾鏡光一一堪數計因之  
識魚樂長歌發幽思遐想天地間人物理不二有心鷗  
乃去去實人所致吁嗟庸衆流勞勞為名利有時喪其  
良反不如魚智若令貪釣鉤早作盤中味

張僧繇雪山紅樹圖

青女遺素英少男皴粉白依然五大夫鬚髮轉寒碧丹

楓未落盡臨風鳴瑟瑟墜粘文石凹似點壽陽額斷橋  
驢背人彷彿孤山客

題李贊華射鹿圖

無心逐鹿人却作射鹿景逸麋飲箭羽奔駒迅鞭影眼  
前馳逐忙事後渾幻境說偈伊有餘司圓吾當省

蘆花

立秋纔數日蘆荻已含涼貼水弄明影飄花作素粧風  
敲方瑟瑟露泣欲蒼蒼長詠伊人什茲懷殊未央

題楊補之雪梅卷

雪以梅增秀梅因雪越芬清華誰可類色臭總難分卉  
裏傲青女植中友此君澄懷叅鼻觀如是視而聞

題高克恭夜山圖即用其韻

虬松深處山千尺鑑水澄時月一方借問作麼叅色相  
螺峯幾點是真常

秋英粲然可觀感而有作

簇簇繁英各鬪奇短長秋色繞階墀嵇含草木渾難備

崇嗣丹青宛在斯  
露浥忘憂方灑灑  
日烘解笑正熙熙  
履霜轉眼堅冰至  
嗟爾芳華亦幾時

管道昇叢玉圖

石泉清且幽  
簌簌脩而古  
淇澳作佳鄰  
渭川即前漱  
空際琅玕敲  
月影龍蛇舞  
靜對忘俗緣  
興在蕭疎所  
恍疑小窓中  
瑟瑟吟風雨

邊景昭胎仙圖

飲啄蒼松下  
依栖蒼松上  
烟霞為伴侶  
天宇誠寥曠  
婆娑

羅門呬音臨風一哢吭衛軒非所慕華表應鄰妄只悔  
離丹臺俯仰由人狀

孟秋時享

太廟進宮齋戒見夾路禾黍油然可觀喜而有作  
祈年常自凜淵衷多稼于今感

昊穹粒食端為玉食本黃雲已釀綠雲中稍紓念慮籌  
防歉敢弛憂勞為屢豐封牘時批方牧奏

今年各省奏  
報有秋畧同

有秋還喜萬方同



秋夕齋居

秘殿無煩暑齋居念若何紹

庭欽

陟降撫序願中和祇慮心稍逸因之政有頗清宵思治  
理星斗在銀河

孟秋時享

太廟

玉斗迴旋屈指庚金輿夙駕紫鸞鳴喬皇禮樂陳

清廟糾縵雲霞煥寶楹陟降儼臨

神鑒赫顯承佑啓泰階平禮成肅穆瞻霄漢何限依遲  
霜露情

每有吟詠輒以示大學士並南書房翰林等或命  
依韻迭和非以辭藻相誇尚幾暇之餘相與優  
游翰墨亦可以陶性情驗政事比之徵歌選舞  
不猶愈乎因書以示之

宣尼曾有訓羣居不及義況在君臣間尤貴同茲志譬

彼舟楫具大川方堪濟彼民有隱情孰為達其意或政  
有偏頗孰為防其弊三百一言蔽曰惟無邪思可知詩  
教正其葩乃餘事維予忝民上奉三而出治所愧理未  
純因之政多戾皤皤二三臣咸具經邦智濟濟翰苑英  
亦有責難諠因言匡不逮所益良匪細若徒獻頌詞恐  
滋後來議

賜大學士鄂爾泰

早年勲績振南蠻黃閣論思久任艱五載憂勤肩燮理

兩朝寅亮首清班允期舟楫川同濟何啻門庭水一灣  
申甫蕃宣周碩輔敷予惠澤滿人寰

賜大學士張廷玉

喉舌專司歷有年兩朝望重志逾堅魏公令德光閭里  
山甫柔嘉耀簡編調鼎念常周庶務勞謙事每效前賢  
古今政蹟如懸鑑時為蒼生咨惠鮮

賜大學士福敏

元老由來衆所儀巖巖班列帝王師每當咨治披香日

恰似談經絳帳時入贊經綸常補闕退朝劒佩自委蛇  
兒行學始循佔畢啓導重勞下講帷

賜大學士徐本

黃閣登賢俊清時佐化工調羹推贊理運軸每抒忠恩  
澤敷霖雨絲綸布巽風愧予非舜禹弼亮古今同

題董其昌葑涇倣古小軸

檣李歸來信宿停一帆春雨阻葑涇尚饒濕潤虞需手  
能爾為耶筆有靈

七夕

經年睽隔意如何幽恨偏饒一月過

今年閏六月故云

天上尚

然歡會少人間漫道別離多空庭設席陳瓜果別院拋  
針列綺羅詎用奇文誇乞巧倚欄長詠眄銀河

乞巧吟

小巧害其身大巧害及人倏忽鑿混沌反以喪天真五  
音令耳亂五色令目昏離婁與公輸技也寧足論彼巧  
如可求得失亦已分況其不可求跪拜何紛紜今夕乃

七夕瓜果良具陳中庭供星象河鼓與天孫再拜前致  
辭欲言還逡巡惟願乞大拙猶可守吾純

賜內大臣常明

禁籞宣勞久恩隆志愈虛潔身正羣僕扈蹕典周廬每  
以嘉謨告因知丹悃攄清時無折檻不用叩階除

偶成

風在窓櫺月在檐無邊風月任吟拈花因幾暇香偏遠  
詩到秋來興亦添剩有蟬聲催露柳恰饒螢火度鰕簾

封章問有何人奏階下丁丁響玉籤

初秋偶閒

幾餘贏得片時閒鏡徹波光黛染山  
風挾秋來偏拂袖花因暑退亦開顏  
龍蟠戶牖松千尺琴響階除水一灣  
肯逐物華臨別院徘徊獨立憶民艱

秋雨初晴園林即景

雨洗高空淨雲依遠岫還氣將人共爽  
心與物皆閒蟬噪猶思暑林稀欲漏山  
波光接天色含素一般般



賜和親王

桐圭傳錫慶棣萼喜連芳樂善輝編簡維城佐廟廊允  
堪稱玉葉不愧表銀潢嘉爾抒丹悃承恩並日長

賜怡親王

屏藩重寄賴宗臣夾輔宣猷翼紫宸盡職從知忠蓋切  
好書猶見性情醇銀潢派裏圭璋器花萼樓前雨露春  
善體貽謀須黽勉永承惠澤篤親親

玉泉秋清

山色因秋淨溪光漾日明會心原在遠稱物亦施平凌  
漢松千尺憑風鶴一聲野葩猶競秀不覺可憐生

中元觀河燈

太液澄波鏡面平無邊佳景此宵生滿湖星斗涵秋冷  
萬朶金蓮徹夜明逐浪驚鷗光影眩隨風貼葦往來輕  
泛舟何用燒銀燭上下花房映月榮

賜大學士查郎阿

玉陞資調燮西陲運計籌持鈞推舊德補衮著嘉猷可

繼蕭曹業還同韓范儔江湖與廊廟莫釋一心憂

賜大學士趙國麟

岱嶽鍾靈秀閩疆播姓名巨川資作楫上鼎藉調羹諸  
葛抒忠藎文公獨老成每當前席問何以福蒼生

直隸總督孫嘉淦奏進穀穗長盈尺以上既以示  
羣工爰詩以紀之

勤勞宵旰念民艱志切祈年政所關祇以雨暘均  
帝澤遂教豐稔遍人寰祥呈畿輔黃雲滿瑞紀倉箱綠

野閒喜與張公同此意每觀嘉穀一開顏

賜工部尚書來保

卿月光華燦廟廊分曹布理賴匡襄訓垂虞典天工亮  
職列周官地利詳誠慤允堪昭倡率訃謨時切贊平康  
老成自合叨榮澤常領清班駕鷺行

觀穫

白露湛郊原西成候已至綠野滿黃雲紫莖垂絳穠鉅  
艾茲其時錢鎛良具序幾餘臨別院農務觀次第值此

歲云稔實感天所賜念予恤民艱常凜祈年意積以三  
時憂今朝乃大慰

夜雨寄興

憑將一夜雨添得幾分寒梧葉依微滴珠簾想像看咽  
愁蛩羽濕芳歇蕙心殘獨有高吟客悠然興未闌

題元四大家畫幅合璧

黃子久秋壑蕭齋

千山葉落山容出吟秋萬竅簌簌疾蕭齋構處面羣峯

插架圖書三萬帙只此虛無守谷神坐來一日似兩日  
問誰多事洩山靈黃氏大癡走健筆

吳仲圭寒溪略約

溪邨待渡無輕舟略約支波當人脚寒烟漠漠野塘秋  
似有行人隔叢薄漁兒一棹破滄浪短笛無腔隨意樂  
紛紛名利付青雲愛此蕭閒興所託

倪元鎮瘦石疎林

枯枝疎葉披風霜颯然特立苔石旁下無幽人相徜徉

上無繁葩弄芬芳倪迂妙筆勁且蒼繩墨不中庸何妨  
千年尺素含幽光不教金碧誇李唐

王叔明春雲出谷

春氣濛濛濕林麓蒸為靈雲滿春谷板橋杖策者何人  
芙蓉為巾薜荔服悠然獨往還獨歸那管世間榮與辱  
我亦無心如此圖長日卧遊猶不足

命婦索綽羅氏年一百三歲矣其子孫皆多壽五  
世一堂信人瑞也萬壽節扶掖入見喜而有作

淑範能修四德賢飲和猶占萬民先百齡瑞慶傳都下  
五代孫曾繞膝前天上拜恩霑雨露人間不老即神仙  
更期壽世多黃耄共樂昇平大有年

中秋日恭侍

皇太后萬善殿瞻禮隨遊瀛臺諸勝敬成一律

金風玉露共徘徊為奉

慈遊特地來璧月圓時瞻月相壺天深處是天台香飄  
桂子堆金粟酒獻南山作壽杯無限歡欣隨輦道人間



端的有蓬萊

庚申秋日經筵

皎日麗中天金風拂細旃右文遵舊制典學重經筵為  
進邦家彥爰咨經史詮探淵思汲古望道未忘筌制事  
應惟義執中猶在權

是日進講中庸執其兩端用其中  
於民尚書以義制事以禮制心

心恒期洞洞志每勵乾乾緬想萬民上端資百爾賢周  
行須示我莫謾頌豐年

中秋日有菊

節候因逢閏金英早冒霜韻將蘭並遠色與桂爭黃映  
月參差影迎風清冷香中秋先看菊彷彿過重陽

御製詩初集卷三

欽定四庫全書薈要卷一萬三千二百七十七

集部

御製詩初集卷四

古今體一百首

庚申二

秋日奉

皇太后駕幸南苑即事八首

歲荷

天恩慶有秋欣陪

慈輦駕龍輜如京畿甸風光好萬戶歡聲夾道周

虞人建幟甸人隨南苑秋清好獵時閱武此來兼省斂  
香風餅餌拂旌旗

萬物熙和大造中郊原輝映苑門紅承

歡仰識

慈顏豫祇為

天恩錫屢豐

羽衛森翹出帝城順時清蹕此巡行金吾底事頻傳警

便欲周知閭巷情

十里秋光伯虎畫一鞭斜日晾鷹臺  
衆中掄得穿楊手琥珀光濃賜御杯

扈從長承

愛日暉五雲高捧鳳輿輦問

安戶外親調膳手射郊原鹿正肥

離宮月影透書窓法曲時聞畫鼓  
撻題柱吟餘思往事不知絳蠟炮銀缸

從來稽古戒禽荒宵旰勤勞敢  
刻忘歡樂正饒還止輦

屬車侍從有東方

秋夜南苑行宮懷舊疊前韻

松菊迎人似有情  
離宮月朗正秋清  
舊題乍展懷重繫  
新句頻拈興轉生  
吹簫疎林金氣肅  
透窓寒影玉鉤明  
倚吟驚破紅塵夢  
嘹唳天邊雁字橫

閱馬

平原草色著霜初  
試閱天閑萬乘餘  
鳳耳臨風多駭駭  
龍鬣耀日有驪魚  
漫誇唐牧張千錦  
何用周王厯八虛

燕市驪黃掄選遍遺材猶恐伏鹽車

南苑雙柳樹

南苑雙柳樹昔年何蔥菁兩株立平原千絲織晚晴因  
循失其一獨樹若無榮至今行路人猶道雙柳名豈無  
補植者枯萎率不生嗟哉草木質尚有相憐情徘徊不  
能去長歌代柳鳴

詠盆中小菊

最愛東籬種移陪淨几芳亞盆舒冷艷擢秀先重陽辭

圃霜羞傲窺簾蝶任忙花師能位置偏稱小松旁

夜雨

浙瀝聲傳三寸雨琳琅韻響幾枝桐寒更欹枕渾難寐  
念在茅檐蔀屋中

桃葉落

芳園秋始半衆木森疎繞綠陰正如滴參差青未了擘  
舟尋桃溪忽似三秋杪葉落餘枯枝風動驚飛鳥榮悴  
一何殊其理殊未曉旁有一圃師鄙言含至道云當三



春時此花開獨早

秋蝶

金風蕭颯吹籬落紫花濛濛抽蔓弱何來雙蝶弄午暄  
栩栩深叢閒且樂夜寒白露零秋英芳菲徒憶三春榮  
君不見千年鶴立青松頂不逐春融耐秋冷

郊外即事

三秋野景寥天迴一抹斜陽晚照明最是豐年饒氣象  
村村社鼓慶西成

霜落平原好合圍無心從獸玉鞭揮愛觀富有千村景  
兩字探原食與衣

郊圻犬吠雜雞號策馬霜華點素袍收穫纔完仍播麥  
田家四季總勤勞

射鹿行

金颶獵獵吹旌旗秋獮試合平原圍平原有鹿碩且肥  
呦呦母子相追隨虞人甸人爭逐之小鹿跳躍雖無知  
老鹿顧復獨含悲念彼物類猶仁慈爰命解網任遠馳

匪余小惠拯其危物亦有倫人胡遺嗚呼射母不射子  
明帝雖賢全半美

田舍

田舍紅門外揮鞭日影斜繞村流曲水壓架剩秋瓜  
板寒敲圃繅車夜績麻勤劬有餘樂官稅早輸衙

德壽寺古鼎示僧

暉暉曉日射祇園一滴曹溪覓法源古鼎無言傳妙偈  
何須方丈悟風幡

絕句八首

東望颺晴烟西來雨陣懸  
勒馬看天色陰晴會一川  
野菊小於鈴家菊大於盃  
今朝馬上看隨分作清伴  
棘刺牽人衣剪棘衣裳破  
不如驅青驄遠向平沙過  
雨過溪聲壯風來樹影搖  
一羣寒鳥亂幾箇戲魚跳  
小徑曲通邨秋壺挂短垣  
熙熙皇古世欲詠已忘言  
野雞啄枯草偶罹網與羅  
家雞飽稻粱鼎烹一何多  
白露冷為霜寒叢秋豔萎  
溪岸轉蕭疎剩有碧潭水

金風來西北  
籟聲響萬竅  
風收萬籟無誰識其中妙

晚

鳴笳催落日  
畫鼓震金風  
馬應傳呼聚  
天臨曠野空  
轅門羣衛肅  
虎帳列燈紅  
武備從來整  
時巡制亦同

懷舊戲作

當年頗有少年心  
上馬飛馳下馬吟  
今日殷憂勝瀟灑  
壯懷減却杳難尋

雨二首

細雨落還止油雲斷復行當秋著物冷灑迥織絲明溪  
口添新漲簷牙續舊鳴來朝直北望天淨五雲城  
麥壠綠菲菲秋苗潤更肥因風鳴淅瀝入夜聽霏微此  
際方增冷何人未授衣先民憂樂切詎隔九重扉

孤雁

關塞勞來往孤飛意不舒猶知失羣恨漫憶寫空餘飢  
怨衡陽月奇傳漢使書寧同衛公鶴空自駕軒車

彰儀門

彰儀門外城牆下土壘背城面平野上留方孔下孔圓  
不知此是何為者旁有老翁指點言傳聞詎識實與假  
明代堵築防流賊孔以施礮壘拒馬少時見壘已傾頽  
荆榛櫛比知者寡我聞此語興咨嗟感懷欲置不能捨  
勝國君臣守禦嚴即今胡為屋其社由來守德勝守險  
地利不如人和也長歌一曲非誇強周鑒在殷殷鑒夏

庚申仲秋丁祭

先師孔子

法

祖恢文德崇儒禮

素王晨光開輦輅  
露氣浥旂常  
寅祀心恒凜  
丁辰日正  
陽皇皇陳禮樂  
肅肅對宮牆  
言念百王後  
身登

夫子堂君師誠有愧  
仰止志方長

盆中竹

未改渭川質  
遙從淇水分  
影搖銀燭亂  
籟藉竹爐  
熏憑  
几坐清晝  
忘言對此君  
託根非得地  
漫想勢干雲



皇考實錄聖訓告成恭紀長律四首

儒臣橐筆久摩研

赫濯聲靈信史傳法則昭垂千萬禩

勤勞想見十三年誠孚度索懸橦地象應聯珠合璧天  
寶錄拜觀欽

陟降衷忱可勝凜冰淵

實錄端惟實政書敢將繪藻飾空虛推車有賴賢全網  
折檻無煩秀早除敬凜盤銘

湯刻器試揮薰雅

舜垂裾紹

庭難繼勲華盛幾度沈吟味訪予

詎止刑清政亦清德威惟畏德明明列卿朝退宵書思

野老春深晝課畊共仰

精勤周庶物可知

恩澤沛寰瀛趨

庭早識綏猷本一字書紳道在誠

音容五載隔雲天乍捧琅函淚湧泉

提命無能窺蕩蕩纘承有志矢乾乾萬年孫子欽堂構  
四海謳歌被管絃法

祖敬

天心不已千秋徽懿映瑤編

九月初八日作

沿階菊蕊綻新黃淨洗秋霖散冷香日暮霏霏猶未止  
只疑風雨過重陽

重陽

一夜雨廉纖新晴景倍添日暄烘菊蕊雲散露峯尖秋色重陽勝詩題即事拈登高堪眺遠四面捲珠簾

秋深

霜重疎林楓葉丹菊心勻綻蕙心殘已知物理同周夢愛著裘衣勝楚紉天地無情秋亦老溪山不盡畫應難却裁新句閒消遣一曲商風倚石欄

中夜

中夜園林靜徘徊獨散襟漏聲傳閣上蛩語咽牆陰化  
理慙無術憂懷轉不禁松梢一片月照我為民心

恭閱

太祖

太宗

世祖

聖祖

世宗實錄聖訓告成敬紀五言排律二十四韻

豐沛貽謀遠

天人應德同明綱方掃地

帝顧實維東用淨櫬槍氣徐開闔闔風床凝

皇有極德厚

祚無窮開創駕千古驅除僅一戎三韓恢

舊業萬國仰

重瞳爰布明堂令方吹嶰谷筒順時敷巽命馭物凜

乾衷往者滇南亂曾煩八陣攻運籌盡伊呂奮力總羆

熊奏捷憑邊將

頒恩自法宮平成歌

聖德熙皞戴

神功道洽陰陽序時清禮樂崇詩書延俊秀

恩澤被昆蟲茹拔交成泰芒銷象應豐戎行甲沽酒村  
婦乳孳童六十一年久

皇王帝治隆春秋旋氣運張弛協

蒼穹日昃猶

勤政民安更省

躬歡呼遍白叟聲教屆烏蒙緬想承

光烈端惟予幼冲紹

庭勵初志推斗賴羣工成憲猶堪鑒孚誠或可通永言

欽

陟降勝似拜崆峒

晚圃

晚圃蕭疎甚秋光亦可吟桔槔閒井畔蟋蟀聚牆陰蔓



老霜壺墜花稀風蝶尋白駒驚過隙撫景愧君臨

讀杜子美集有感

男子妬名祿女子妬顏色古今坐此病幾喪人家國不  
惟庸衆流英才每被惑卓哉少陵翁獨能秉謙德當時  
言詩者非甫則云白觀其寄李詩自謂如不及其實菽  
粟言何用誇奇特茲人嗟已往誰得其正脈獨嘉不伐  
心永言以為式

心遠閣秋眺示大學士及南書房翰林等

一指當人前不見泰山高離婁閉目時詎可察秋毫至  
人用心鏡萬物不能逃王者明四目智燭良獨操茲閣  
名心遠寓意豈在遙結構山之巔俯仰近雲霄況值三  
秋深天氣高沈寥葉落萬林疎憑眺心神超伊余有遠  
思匪戀物華撿或情有壅蔽或民嗟苦勞或賢當登進  
轉令在下僚或時雖小安遽益志氣驕見理有不周愆  
尤自此招辯言有未當是非致混淆心遠之謂何豈謂  
盼荒郊即事因自儆此樂非遊遨

秋日侍

皇太后幸靜明園奉

聖母命敬成長律得佳字

翠羽金輿拂曉排  
離宮別館到秋佳  
野花隨輦如春半  
行漏依人報午牌  
霜色風光凝罩罩  
山容水態罨軒窗  
慈顏悅豫陽和暖  
薄海同傾愛日懷

九月十八日立冬

閏月催時序

是年閏六月十五日立秋  
七月節七月以後節皆早

秋深早立冬候

風因驗政

欽天監每以交節時風起何方驗政治得失

辨日每占農人跡霜

華重山巒黛色濃園林零落盡徙倚眄蒼松

昔聞

昔聞盤山側有谷名虎里白額任縱橫居民皆遠徙有  
一雲水僧結菴山之岬夜坐悟無生曉起擔柴水忽然  
一虎至是僧瞋目視孽畜胡為來速去斯可矣虎果掉  
尾去如聽彼指使自此衆鄉民號之為佛子僧亦自謂  
神其實無他技無何虎復來咤之厲且訾逐逐行近前

僧憇乃拜跪四鄰爭赴救虎去僧早死方知浪得名前  
番幸偶爾有名無實人可以鑒諸此

紅葉

爛漫疎林九月時淺紅深紫著枝枝穠含秋色闕全畫  
豔奪春光杜牧詩通野望來張幕合沿堤觀去刺舟遲  
可知留殿園林景珍重韶華是女夷

刻漏

刻漏響丁東朝昏轉不窮報時高閣上典學寸陰中幾

勅觀心放憂深念位崇肯耽耳目好玩愒過年豐

玉泉山秋望

葉落邨樹稀山瘦秋容老偶來步巖磴霜跡羊腸繞黃  
勻莎草坡丹襯楓林杪是時西成畢田家獲萬寶却見  
場圃間比櫛誠美好稍喜衣食足猶慮追呼擾先憂後  
樂心未許侍臣曉

永定河云有故道由中亭玉帶以達津歸海總督  
孫嘉淦建議疏復及時興作覽奏水已循軌民

情歡躍爰成一律

永定原無定千年衛帝京有源安可障無事自然行玉  
帶清流合中亭故道并祗台恒自凜宵旰望平成

御園秋深

雨餘涼轉峭徙倚日三竿秋老山川淨林疎天地寬蛩  
音鳴節晚魚躍怯波寒消息憑元化忘言仔細看

漏聲催日影倏忽過窓前霜履誠堪念秋闌亦可憐登  
山應蠟屐載月漫開船一卷長隨手幽風七月篇

冷

嚴霜催氣肅暖日上窓遲百卉繁華歇三秋節候移生  
憎棉絮薄無那朔風吹最念茅檐下初寒怨者誰

題唐岱倣各家山水畫冊

萬柳含烟

宿雨朝烟二月時輕黃嫩綠一絲絲却教少婦愁添乍  
無那王孫歸意遲牽地欲迷芳草路因風時弄小腰支  
扁舟刺處春何許蘸影如油上下宜



萬頃恩波

浩渺含太虛一色琉璃影畫師創新格恩波圖萬頃故  
知寓意深筆諫吾須領惟予牧萬民馭朽恒自警或理  
有壅蔽或政過寬猛或民怨飢寒或時有灾眚慮澤不  
下逮中心常耿耿披圖鑑已切愈以發深省

萬笏朝天

遠山插笏曾無數黛色參天正近秋最愛茅菴坐清晝  
琤琮常聽瀑泉流

萬松疊翠

王蒙真蹟無半紙妙處何人得神髓尺圖重寫萬松真  
生面蒼蒼喻非指勁幹蟠拏偃蓋高虬龍深夜因風號  
緬想山中高卧客柴扉靜掩聽寒濤

萬點青荷

清和風景別桂棹漫開船傍岸試新履沿波疊小錢因  
風時泛泛映日故田田極目蒼茫外琉璃破曉烟

萬林秋色

黃葉紅葉綺錯山色樹色霜勻不必詩誇小杜恍疑人  
在三春

萬壑祥雲

萬壑祥雲滿千林瑞色籠可堪廊廟見只合畫圖中

萬水朝宗

君不見廬山瀑布三千尺萬古銀河倚天碧又不見龍  
門初闢神禹功九曲滔滔終向東是知觀乎海者難為  
水披圖更悟其中理琤琮萬派皆朝宗澗壑淵渟清且

泚我獨悠然吟興豪會心在此原非此

萬竿烟雨

有猗者竹在彼渭川乃含宿雨乃帶朝烟其色維何非  
嫵非妍其音維何非管非絃有客坐對羗民之先其屋  
何有四壁蕭然其手何持道德一編逸民也歟吾何得  
而致焉

萬峯瑞雪

漫空飛玉屑插漢列瓊瑤寒澍溪流斷冰凌楓葉凋石

磯閒釣艇古寺閉僧寮有鳥巢枯樹無人過小橋皚皚  
迷萬壑密密布三霄滕六分明在雲深不可招

秋夕齋居

玉漏迢迢夜漸長心因幾暇轉徬徨忘言獨憶誠和理  
不覺金猊篆炷香

賜總河高斌

禹功萬古仰平成疏濬隨時賴俊英淮浦建牙資保障  
黃流奏績久澄清息機早是無穿鑿順性猶然矢樸誠

潘靳嘉猷編簡在

明潘季馴本朝靳輔皆能治河者

千秋惟爾繼賢聲

十月朔日頒時憲書

九瀛咸奉朔四海正同文禮特遵

先制時惟授大君令頒懸度地澤被鷺鷥羣欽若心恒  
凜釐工政益勤

庚申孟冬恭謁

泰陵敬成六韻

音容五載隔思慕百年深徒抱終天恨何堪過隙陰紹

庭方有志撫序敢忘欽松栢森元路雲霞護碧岑  
鼎湖驚痛定

冠劒式如臨佇立瞻霄漢空餘泪滿襟

良鄉道中

白日澹空原黃沙捲去轅愛看風擺麥驚起兔藏垣  
黍堆寒圃牛羊下暮邨前驅漫傳警欲酌小民言

寒雀

驅車涑水道野曠風蕭蕭日出嵐霧斂邨木森寒條凍

雀三五羣依依棲霜朝晚穗收穫盡飢寒苦無聊啾啾  
如鳴悲春陽愁正遙野鶴翔高空清唳響雲韶霜翎耐  
嚴冬稻粱不可招或時斂翮下千尺長松梢俯視衆寒  
雀嗟哉爾徒勞

過水東邨怡賢親王瑩有感而作

一德叨

恩寵宗臣事業恢敬誠

天語定明達性根來長想功垂冊徒傾酒滿杯依遲傷



物化况復謁

陵迴

日暮

日暮遙山斂翠微  
幔城燈火徹宵輝  
馬嘶平野聞呼聚  
人指高竿覓路歸  
行漏明分甲乙夜  
封章獨勅萬千幾  
時巡到處關民瘼  
豈為嬉遊騁六飛

月

天空烟影淡夜永  
月輪寒照野宜行  
旅流光逐馬鞍分

明銀漢閣遮莫客途難虎帳拈吟處悠然興未闌

野老

野老扶鳩杖相逢詢歲功翠華渾不識猶有古民風

古寺疎鐘

月上前邨鐘乍鳴春容斷續一聲聲早知幻有皆虛夢  
逸思推敲空復情

古墓

青燐夜照墓門紅苔長殘碑字半蒙冷泪滿匡翁仲雨

悲號四起馬牛風那知觸景傷行客漫慮樵薪有牧童  
未至為田非較勝滄桑屢變古今同

夜

入夜人聲靜霜鐘古寺擬燭天明野燒如豹吠邨庖理  
欲猶堪驗憂忡孰與降裁詩非遣興蠟燼小檠缸

御園初冬

軒齋亭午日暄妍一弄明窓暖更鮮漫惜園林饒寂寞  
青山黃樹小春天

曲池風定曉來冰漸暖陽和散復凝恰似玻璃鋪鏡面  
祇堪觀玩不堪憑

獸炭初紅愛地爐封章頻問到來無分陰應惜窮陰候  
一字常懷敬作符

鏡

人以鑑妍媸我以鑑臧否摩挲照膽寒莫使纖塵絛

賜尚書史貽直

中樞掌九伐峻望近三台經畫資心膂訐謏佐鼎梅常

存葵藿志不愧棟梁材書思恒繩糾嘉猷佇獻來

賜尚書那蘇圖

分署列西曹明刑重任操體予欽恤意嘉爾匪躬勞劒  
佩環宸極綱維領俊髦好生前訓在師法是皋陶

讀孫樵大明宮殿賦

喜聞祥瑞厭聞灾祇為迷雲撥不開短賦喚醒千古夢  
始知方朔善俳詼

艾樹

園中植衆木叢生各向榮成陰蔽庭軒弄影交枝莖櫟  
棘苟不分砮砮終混瓊當此隕穽時本質一以呈繁柯  
紛雜揉芟削令其清良材被隱遮去之不留停稍稍施  
人力便覺助山靈綠梅三冬姿青松百尺亭譬彼稂莠  
除嘉禾乃勃生旁人為我言其言似可聽物物具生意  
枝枝含勾萌一朝別去取厚薄殊失平我聞初諾之細  
思吁可驚若存姑息心未達此中情

曹知白羣峯雪霽圖

千峯餘積素萬壑鬪新晴  
窓色明螺罨溪聲雜玉鳴  
林疎噤鳥語徑冷絕人行  
消得陶居士茶鐺著意烹

題宣和谿山秋色小景

雨郭烟村白水環  
迷離紅葉間蒼山  
恍聞谷口清猿唳  
艮嶽秋光想像間

夜靜觀書

看書如看山其境日日殊  
隨境不會心多聞不如無  
况乎辨治亂因以別賢愚  
豈徒誇英華言行須同符  
念予

志學時所慕君子儒詩亦尊李杜文亦宗韓蘇要歸踐  
履實聖言非我誣即今持治柄豈不慕唐虞措行始知  
艱慮為空言徒裁詩銘座右庶幾日警吾

蘇軾偃松圖

東坡先生倔强人畫禪筆陣皆相似禿豪特寫老松枝  
老松枝偃性不死譬如壯士頭可斷古心勁節焉肯毀  
磕敲應作青銅聲虛堂謾謾寒濤起

冬至齋居



消息初陽復

南郊大祀臨一衷思

帝載至日見

天心丙夜幾常勅齋居念轉深燔柴將對越惴惴敢忘  
欽

冬夜盆梅

不必待明月依然見美人寒香凝篆縷破蕾貼花茵得  
句思前詠耽梅是宿因剪檠相對處清絕兩無塵

冬至次日

慈寧宮行禮

霜薄觚稜旭影浮彤墀拜舞動旗旂初陽暖律迴葭管  
亞歲祥光繞鳳樓萬國歡心同孝養六宮

壺教霈恩流年年最喜稱觴日常近增添海屋籌

吾弟和親王誕辰詩以壽之

華萼同枝氣本親鵠原分豈隔君臣顧予作后多乾惕  
知爾維城亦苦辛緬想飛觴桃李下已看流駛歲時頻

喜逢綵縷添長算立字母忘望汝純

弟亦三十  
歲故云

題顧愷之洛神圖

賦本無何有圖應色即空傳神惟夢雨擬狀若驚鴻子  
建文中俊長康畫裏雄二難今並美把卷拂靈風

左都御史王安國出撫粵東以伊父年屆七旬奏  
乞封典特允所請並詩以賜之

憲府戎冠際巖疆駐節初仁風敷嶺海愛日永庭除紫  
鳳忻銜誥斑萊試舞裾更希臻上瑞舉世樂華胥



御製詩初集卷四



總校官庶吉士臣侍朝

校對官庶吉士臣陳文樞

謄錄監生臣宋諧